



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 483. Usque Ad Annum 561.

**Fleury, Claude**

**August. Vind. [u.a.], 1759**

**VD18 90117824**

§. 54. Anthimus deponitur.

---

[urn:nbn:de:hbz:466:1-66066](https://nbn-resolving.org/urn:nbn:de:hbz:466:1-66066)

Sæculum VI.  
A.C. 536.

re statuit. Imperatore atque Imperatrice rogantibus, ut Anthimi Salutationem admitteret, & in Communionem reciperet, utrumque se facturum promisit Papa, si modo Anthimus Fidei Confessionem manu sua scriptam, & Catholicam traderet, & ad Sedem suam Trapezuntinam reverteretur; *impossibile enim est, inquiebat, ut translatus homo in Sede Constantinopolitana permaneat.* Imperatrix secreto magna munera Papæ offerebat, minas etiam intentabat; sed Agapitus in Sententia stetit immotus. Imo Imperatori persuasit, ut Anthimum deponi juberet, qui Severo Auctore Sedem Constantinopolitanam relinquere, quam Fidei Catholicæ Professionem dare maluit. Id quippe suo instinctu factum Severus in epistolis suis ad Theodosium Alexandrinum gloriabatur.

*Evagr. IV.  
hist. c. II.*

§. LIV.

*Anthimus deponitur.*

Anthimus ad Concilium, quod Papa ad eum judicandum Constantinopoli celebravit, venire recusans, depositus est, (\*) & Pallium suum Imperatori reddidit, discessitque in locum, ubi eum Imperatrix suo

(\*) Hoc solo exemplo satis refutantur dicentes, nullam fuisse Romanorum Pontificum Constantinopoli Auctoritatem.

fuo Patrocinio tueretur. Cum Anthi-<sup>Sæculum VI.</sup>  
mo Severus, Petrus & Zoara damnati. <sup>A.C 536.</sup>  
Pulso Anthimo Episcopus Constantino-<sup>Libell. to. 5.</sup>  
politianus electus est Mennas Alexandriae <sup>Conc. p. 14.</sup>  
natus, magni Nosocomii S. Samsonis  
Constantinopoli Præpositus, Catholi-  
cus, Concilium Calcedonense recipiens,  
Scientia & Morum integritate insignis.  
Eum Imperator omnibus Clericis &  
Populo applaudente delegit, & Papa  
suis manibus in Ecclesia S. Mariæ con-  
secravit.

Agapitus Papa, data Epistola Syno-  
dali ad Petrum Patriarcham Jerosolymi-  
tanum, quæ in hoc Concilio egisset, edo-  
cuit. *Cum ad Imperatoris Aulam, in-*  
*quit, pervenissimus, Sedem Constantino-*  
*politianam ab Anthimo Episcopo Trapezun-*  
*tino usurpatam vidimus. Imo idem erro-*  
*rem Eutybis abjicere recusavit. Quam-*  
*obrem, postquam Penitentiae tempus fru-*  
*stra concessimus, indignum declaramus, qui*  
*Catholicus & Episcopus habeatur, donec*  
*Doctrinam Patrum integre receperit.*  
*Alii quoque, quos Sancta Sedes damnavit,*  
*tibi rejiciendi sunt. Multum admirati*  
*sumus, tibi hanc injuriam Sedi Constanti-*  
*nopolitanae illatam probatam fuisse, cum*  
*potius ea ad nos deferre oportuisset. Sed*  
*jam hoc vitium delevimus, dum ordina-*  
*vimus Mennam ex Orientali Ecclesia*  
*Hist. Eccles. Tom. VII. Nn pri-*

Sæculum VI. *primum*, (\*) *a Nostra Sede ordinatum.*

A.C. 536. Tum Episcopi Orientis Papæ, quem Patrem Patrum & Patriarcham appellant, Libellum supplicem tradiderunt, in quo Papa Con-Severum accusant, quod Gentilium My-stantinopoli. steriis fuisset initiatus, Doctrinam Euty-

Sup. XXXI  
S. 39.

chis & Manetis seminasset, Sanctorum Sanguinem in Oriente seditiosorum Judæorum manibus & opera effudisset. Etiam de Petro Apamiensi & Zoara conqueruntur, quos speciatim ignorantia & vitæ licentiosæ incusant, & orationem claudunt rogando, ut Ecclesia ab his Hæreticis liberetur, Edictum Imperatoris petatur, quod Scripta ipsorum flammis tradi jubeat, atque Sententia in Anthimum pronuntiata executioni mandetur. Huic Libello Episcopi undecim subscripserunt, quorum primi sunt Tholassius Beritensis, Megas Bercensis & Joannes Gabalensis. Conspiciuntur etiam signa triginta trium Presbyterorum, Diaconorum aut Lectorum a diversis Ecclesiis

(\*) *Primum a Nostra Sede ordinatum.* hat der Deutsche Uebersetzer gegeben: pag. 239. der erste von der Orientalischen Kirche ist, und von unserem Stuhle selbst ordiniret worden. Diese Uebersetzung ist falsch. Die Römischen Bischöfe haben nicht den Bischof zu Constantinovel für den ersten in Orient gehalten, sondern den von Alexandria, und nach demselben den von Antiochia.

fii delegatorum. Primo loco Delegati Antiocheni occurrunt.

Sæculum VI.  
A. C. 536.

Agapitus Papa alium quoque Libellum supplicem accepit, quem ipsi Marianus Presbyter, & Monasteriorum Constantinopoli Exarchus, tam suo quam etiam aliorum Abbatum ejusdem Civitatis, Jerosolymæ, & Orientis, tunc Constantinopoli præsentium, nomine tradidit. Papam titulo Archiepiscopi anti-

to. 5. Conc.  
p. 21.

quæ Romæ, & Patriarchæ Oecumenici honorant. (\*) Accusant Schismaticos Acephalos Dioscori & Eutychem Sectatores, quod Conventus agerent, & in hunc ferme modum loquuntur: *Virorum Dignitate eminentium Domos ingrediuntur, & suis erroribus sæminas infatuunt. Altaria & Baptistaria in ædibus privatis Civitatis, & Suburbiorum, erigunt, & Palatii tutela confisi, omnes contemnunt. Loaras spretis Imperatoris Legibus, quæ cavent, ne Hæretici congregentur, & baptizent, multos in Festo Paschæ baptizavit, atque inter eos, aliquorum liberos numerare est, qui in Palatio habitant.* Tum supplices de Depositione Anthimi mentionem faciunt, & petunt, ut Pontifex ipsi diem præstituat, qua ad Ecclesiam suam Trapezuntinam redeat, & nisi obediat, ab Episcopatu deponatur, aliusque

N n 2

ordi-

(\*) Quid ad hæc Protestantes?

Sæculum VI. A. C. 536. ordinetur. Item petunt, ut Papa ex Civitate Constantinopolitana ejici jubeat tanquam viros jam diu ante damnatos Severum, Petrum & Zoaram pluresque alios Episcopos, Presbyteros & Monachos tam Nestorianos quam Eutychianos, quos suo loco & tempore nominaturi essent. Huic Libello subscripserunt Abbates nonaginta sex, plerique Constantinopolitani aut ex locis circumjacentibus, aliique ex Palæstina & Syria, nam aliqui litteris Syriacis signarunt. Agapitus Papa hos Libellos ad Imperatorem misit; sed ecce! priusquam Res conficeretur, incidit in morbum, & mortuus est, 22. April. ejusdem anni 536. Pontificatus sui Mense decimo.

*Lib. c. 22.*

*Lib. Pent.*

Obiit itaque Constantino- poli, cum in eo esset, ut omnia necessaria ad reditum suum in Italiam pararet, postquam Pelagium Diaconum Apocri- siarii sui munus apud Imperatorem obire jussisset. Corpus ejus Romam transla- tum, & ad S. Petrum sepultum est. Aga- pitus una Ordinatione Diaconos quatuor & Episcopos undecim creavit.

§. LV.

*Concilium Constantinopolitanum sub  
Menna.*

Imperator Justinianus, ut ea, quæ Aga- pitus inceperat, perficerentur, & Schis- mati-